

आकाशवाणी

खबरां -----

1 महाराष्ट्र च भारतीय जनता पार्टी दे सीनियर लीडर ते प्रधानमंत्री नरेंद्र मोदी हों आखेआ जे केंद्र च एनडीए सरकार ते महाराष्ट्र च महायुति सरकार गरीबें दी भलाई-बेहतरी लेई कम्म करने आस्तै बचनबद्ध ऐ।

2 कांग्रेस दे सीनियर नेता राहुल गांधी हों बीजेपी पर दोश लाया ऐ जे ओह आदिवासी लोकें सवां जल, जंगल ते जमीन खुसना चाहंदी ऐ।

3 राष्ट्रपति द्रोपदी मुर्मू हों आखेआ जे सरकार दी भ्रष्टाचार गी उन्ना बी बर्दाश्त नेई करने आहली नीति कन्ने भ्रष्टाचार जइं समेत नश्ट होई जाग।

4 विदेश मंत्री डॉ. एस जयशंकर हों भारत ते आसियान मुल्खें बशकार सांझ-भ्याली गी कुल संसारी अर्थ बवस्था लेई महत्वपूर्ण करार दितां

5 सरकार नै कमर्शियल कोटे संशोधन बिल 2024 बारे आम लोकें सवां उंदे विचार ते प्रतिक्रिया मंगी भेजी ऐ।

6 सेना प्रमुख जनरल उपेंद्र द्विवेदी होंरें अज्ज पंचकुला च चंडी मंदर
थाहर पच्छमी कमांड दा दौरा कीता।

7 क्रिकेट च भारत ते दक्खन अफ्रीका बश्कार खेड्डी जा 'रदी चार
अंतरराष्ट्रीय टी-20 मैचें दी श्रृंखला दा पहला मैच अज्ज डर्बन दी
किंग्समील थाहर खेडेआ जाग।

<><><><><><>

PM-Maharashtra

महाराष्ट्र च भातीय जनता पार्टी दे सीनियर लीडर ते प्रधानमंत्री नरेंद्र
मोदी होंरें आखेआ जे केंद्र च एनडीए सरकार ते राज्य च महायुति
सरकार गरीबें दी बेहतरी लेई कम्म करने आस्तै बचनबद्ध न।
नासिक च इक जनसभा गी संबोधित करदे होई श्री मोदी होंरें आखेआ
जे उज्जवला योजना तैहत राज्य च 50 लक्ख महिलाएं गी मुफ्त गैस
कनेक्शन थहोए न ते हर घर जल योजना तैहत 1 करोड़ 25 लक्ख
सवां बद्ध घरें च पाइप राएं पीने दा पानी उपलब्ध कराया गेआ ऐ।
उनें आखेआ जे राज्य च 7 करोड़ सवां बद्ध गरीबें गी मुफ्त राशन
दिता जा'रदा ऐ ते प्रधानमंत्री आवास योजना तैहत 7 लक्ख पक्के
मकान बनाए गए न। उनें अटल सेतू, बाधवन, बंदरगाह, अमरुदी

महामार्ग ते मुम्बई मेट्रो गी सरकार दी उपलब्धिं दे तौरा पर गलाय ते महाविकास अघाड़ी गठबंधन पर इनें परियोजनाएं गी रोकने लेई नुक्ताचीनी कीती। श्री मोदी होरें आखेआ जे केंद्र सरकार नै मराठी गी शास्त्रीय भाशा दा दर्जा दिता। श्री मोदी होरें DHULE च बी इक जनसभा गी संबोधित कीता। महाराष्ट्र च 20 नवंबर गी मतदान हाग ते 23 नवंबर गी वोटें दी गिनतरी कीती जाग।

<><><><><><>

PM-Article 370

प्रधानमंत्री नरेंद्र मोदी होरें कांग्रेस दी अगुवाई आहले इंडी ब्लॉक पर जम्मू-कश्मीर थमां संविधान गी बाहर रखने दी मंशा रखने आस्तै इल्जाम लाया ऐ ते कन्नै सा। कीता ऐ जे दुनिया दी कोई बी ताकत धारा 370 गी बहाल नेई करी सकदी। उनें कांग्रेस पार्टी पर कुसा इक जाति गी दुइए कोला अग्गे रखने आस्तै बी इल्जाम लाया ते लोकें गी इकजुट रौने आस्तै सावधान कीता। प्रधानमंत्री होरें आखेआ जे एक हैं तो से। नवंबर च होने आहले विधानसभा चुनाएं आस्तै महाराष्ट्रच अपनी पैहली चुनावी रैली गी संबोधित करदे होई मोदी होरें आखेआ जे इंडी गठबंधन खाली किताबें गी दस्सिए संविधान दे नां पर गुमराह करा'रदा ऐ जिस करी दलित ते आदिवासी उक्साए जा'रदे ना।

प्रधानमंत्री होंरें आखेआ जे अगर अनुसूचित जातियां, अनुसूचित जनजातियां ते दुई पिछड़ी जातियां इकजुट ऐन ते कांग्रेस दी राजनीति खत्म होई जाग।

<><><><><><><><>

Rahul-Jharkhand

कांग्रेस दे सीनियर लीडर राहुल गांधी होंरें आखेआ जे भारतीय जनता पार्टी आदिवासी लोकें दा जल, जंगल ते जमीन खुसना चाहंदी ऐ। झारखंड दी सिमदेगा थाहर इक चुनां रैली गी संबोधित करदे होई राहुल गांधी होंरें चुनाएं गी इंडी गठबंधन ते बीजेपी-आरएसएस दी विचारधारा दे बशकार लड़ाई करार दित्ता। उनें आखेआ जेकर उंदी पार्टी सत्ता च ओंदी ऐ ते ओह जातिगत जनगणना ते आरक्षण उप्पर लग्गी दी 50 पिसदी दी बंदश गी हटाने गी यकीनी बनाडन।

<><><><><><><><>

Prez. Corruption

राष्ट्रपति द्रौपदी मुर्म होंरें भरोसा जताया ऐ जे सरकार दी भ्रष्टाचार गी जरा बी बर्दाश्त नेई करने दी नीति कन्नै भ्रष्टाचार गी जड़ेयां खत्म करी दित्ता जाग। उनें आखेआ जे इकजुटता ते अनुशासन

भारतीय समाज च महत्वपूर्ण मूल्य समझें जंदे न। विजिलेंस जागरूकता हफ्ता 2024 दे सरबंध च केंद्री विजिलेंस कमिशन, नमीं दिल्ली च आयोजित इक कार्यक्रम गी संबोधित करदे होई राष्ट्रपति होरें आखेआ जे भ्रष्टाचार इक बमारी ऐ जिसे जड़ थमां खत्म करना लोड़चदा ऐ। उनें आखेआ जे सरकार नै भ्रष्टाचार कन्नै निब्बड़ने आस्तै कई गेइयां पुट्टियां न। उनें डरैक्ट बैनीफिट ट्रांसपारेंसी स्कीम, ई-बजार आर्थिक अपराधिणं आस्तै कन्नू न दा जिक्र बी कीता। समाजिक जिंदगी च विश्वास गी महत्वपूर्ण दस्सदे होई मुर्मू होरें आखेआ जे आर्थिक विकास दे रस्ते च भ्रष्टाचार इक रूकावट आहला लेखा ऐ ते एहदे कन्नै समाज च आपसी विश्वास बी घटदा ऐ। इस मौके केंद्री बिजिलेंस कमिशनर पी.के श्रीवास्तवा होरें आखेआ जे सरकार भ्रष्टादचार गी बिल्कुल बी बर्दाश्त नैई करने आहली नीति पर कम्म करा'रदी ऐ ते शिकायतें गी जल्द नबेड़ने आस्तै कोशशां जा न।

<><><><><><>

Jaishankar

विदेश मंत्री डॉ. एस जयशंकर होरें आखेआ जे कुल संसारी अर्थ बवस्था आस्ते भारत ते आसियान मुल्यें बशकार सांझ भ्याली बड़ी महत्वपूर्ण ऐ। ओह सिंगापुर च आसियान इंडिया नेटवर्क ऑफ थिंक

टैंक दे 8में गोलमेल सम्मेलन च भाशण देआ रदे हे। उनें आखेआ जे भारत आसियान बश्कार सांझेदारी मौजूदा चुनौतिएं कन्ने निब्बड़ने लेई महत्वपूर्ण होग। उनें संपर्क पैहलकदमिं उप्पर बी जोर पाया जेदे च IMEC, INSTC ते पूर्व लेई त्रिकोणी जरनैली शिड़क बी शामिल ऐ। उनें डिजिटल उर्जा तकनीक ते होरनें क्षेत्रें च बी भारत ते आसियान दी सांझेदारी गी महत्वपूर्ण दस्सेआ। आसियान मुखें च इंडोनेशिया, सिंगापुर, ऍ लीपीन्स, मलेशिया, बरनेई, थाईलैंड, कम्बोडिया, लाओस, म्यंमार ते वियतनाम शामिल न।

<><><><><><><>

Court-Amendment

सरकार नै लोकें सवां कमर्शियल कोर्ट संशोधन बिल 2024 बारे उंदे विचार ते प्रतिक्रिया मंगी भेजी ऐ। कन्नू दे न्या मंत्रालय मौजूदा कमर्शियल कोर्ट कन्नू 2015 च संशोधन बारे विचार करारदी ऐ। इस कन्नू दा मकसद बपार कारोबार सरबन्धी मसलें दा तेजिया कन्ने निपटारा करना ऐ। तैयार कीते गेदे बिल दे मसोदे उप्पर लोक इस म्हीने दी 22 तरीक तोड़ी ndiac-dla@gov.in पर मेल राएं अपने विचार भेजी सकदे न।



Army-Chief Western

सेना प्रमुख जनरल उपेंद्र द्विवेदी होंरें चंडी मंदर पंचकुला च पच्छम कमान दे सदर दफ्तर दा दौरा लाया ते कमान दी कारकरदगी सरबंधी तैयारिं दा जायजा लैता। अपने दौरे दौरान जनरल द्विवेदी होंरें गी अधिकारिं महत्वपूर्ण जानकारी जियां प्रशिक्षण, कारकरदगी, मौजूद समान, प्रशासनिक गतिविधिं बारै अवगत कराया। सेना कमांडर होंरें चला रदे बलें दे नवीनीकरण ते नीतिगत सुधारें दी महत्वता पर जोर पाया। उनें वरिश्ठ सेना अधिकारिं गी वैश्विक भुगौलिक राजनीतिक विकास बारै जागरूक रौहने आस्तै आखेआ तां जे मौजूद खतरें कन्ने निब्बड़ने आस्तै सेना दी तत्परता ते तैयारिं च मजबूती लेयांदी जाई सकै।



Sopore

उत्तरी कश्मीर दे बारामूला जिले दे सोपोर इलाके च सुरक्षा बलें इक टाकरे दौरान 2 आतंकवादिं गी मारी मकाया ऐ। कश्मीर जोन पुलस दे प्रवक्ता मूजब इलाके च आतंकवादिं दी मौजूदगी बारै थहोई दी

टकोहदी सूह पर कार्रवाई करदे होई सुरक्षाबलें आसेआ कल रातीं सांझे तौर पर तपाशी अभियान चलाया गेआ। जियां गे सुरक्षा बल आतंकवादिएं दे छप्पने आहली थाहर कश पुज्जे तां छप्पे दे आतंकवादिएं सुरक्षाबलें पर गोलियां चलाना शुरू करी दिता जेदा सुरक्षाबलें आसेआ परता दिता गेआ। टाकरे आहली थाहर थ्वां असला बरूद बी बरामद कीता गेआ ऐ। आतंकवादिएं दी पंछान ते उंदा किस गुट कन्नै सरबंध ऐ ओहदे बारै पता लाया जा'रदा ऐ। अभियान अजें जारी ऐ ते होर ब्यौरे गी बलगेआ जा'रदा ऐ।

<><><><><><>

Bangladesh

बांग्लादेश च महंगाई दर सितंबर च 10.4 िसद सवां बदिये अक्तूबर च 12.66 िसदी तोड़ी पुज्जी गई ऐ। बंग्लादेश दे आंकड़ें सरबंधी ब्यूरो मूजब अंतरिम सरकार ते मुल्खै दे केंद्री बैंक नै महंगाई कन्नै निब्बड़ने लेई केई उपाएं दी घोशणा कीती ऐ। पत्रकारें कन्नै गल्लबात करदे होई बांग्लादेश बैंक दे कंवीनर डॉ. एहसान एच. मनसूर होरें खजाना ते बपार दे सलाहकार सालेहुदीन अहमद कन्नै गल्लबात मगरा आखेआ जे कीमतें गी स्थिर करने लेई रमादान तोड़ी तेल, खंड, चौलें ते होरनें जरूरी आयात वस्तुएं पर शुल्क हराई लैता जाग।



Cricket

क्रिकेट च भारत ते दक्खन अफ्रीका बश्कार खेड्डी जारदी चार टी-20 अंतरराश्ट्रीय मैचें दी श्रृंखला दा पैहला मैच अज्ज डर्बन च किंग्समील थाहर खेड्ढेआ जाग। मैच भातीय समें मूजब साड्ढे 8 बजे शुरू होग। भारतीय टीम दी कप्तानी सूर्य कुमार यादव जदकि दक्खन अफ्रीका दी कप्तानी Aiden करडन।

